

COMMUNICATIONES

RAYMUNDUS TELLERÍA

TRIPLEX EXERCITIORUM SPIRITUALIUM SCHEMA ANTE OPUS ALFONSIANUM « SELVA... PER DAR GLI ESERCIZI AI PRETI »

Quoniam anno proximo 1960 redit annus ducesimus ab illo, quo S. Alfonsus publici iuris fecit opus suum *Selva di materie predicabili ed istruttive per dar gli Esercizi ai Preti ed anche per uso di lezione privata a proprio profitto*, praevulgare hodie intendimus triplex Exercitiorum schema, quale ab his compositum cernitur in quorum societate atque amicitia S. Alfonsus vitam ecclesiasticam egit. Saepe enim hodierni Exercitiorum cultores atque historici sibi fingunt Exercitiorum schema « chemice purum » (sic ipsi loquuti sunt), quale a Rev.mo P. Roothaan pro renata Societate Iesu recusum fuit. Aliter tamen ante Societatis Iesu suppressionem Exercitiorum institutio procedebat, si non semper et ubique, at saltem in regno neapolitano ac pro eiusdem ecclesiasticis viris, quorum decus atque archetypus aestimatur S. Alfonsus.

Nolumus impraesentiarum totius quaestionis amplitudinem atque elementa historica undequaque cingere, sed duos tresve casus singulos dumtaxat adferre eosque ex oblito archivi fonte producere: quibus perpensis, clavis nobis porrigitur ad iustam schematis alfonsiani interpretationem.

Exercitiorum ante sacros ordines obligatio, ab Innocentio XI die 9 octobris an. 1682 promulgata, ita Concilio Provinciali Neapolitano an. 1699 incorporata mansit, ut ordines quoque minores complecteretur et decem dies recollectionis imponeret (1). Hanc Exercitiorum legem, nedum emollirent, urgere perrexerunt neapolitani archiepiscopi eamque iam pridem opportunis edictis sancitam adnectere mox curarunt capiti « de vita et honestate clericorum » intra Synodum dioecesanam mensis iunii an. 1726: cuius Synodi processioni solemnii initiali adstiterunt seminaristae, et cum ipsis valde probabiliter S. Alfonsus eo tempore diaconus. Ad rem itaque nostram edixit S. Synodus:

(1) *Concilium Provinciale Neapolitanum ab Em.mo D. Jacobo Card. Cantelmo celebratum an. 1699*, Romae 1700, 66: « Ad maiores ordines nemo promoveatur nisi prius in religiosa aliqua domo ab Ordinario designanda per decem dies Spiritualibus Exercitiis vacaverit, iuxta Encyclicas Litteras datas die 9 octobris 1682 mandato f.r. Innocentii XI ac in eadem domo diu noctuque commoratus fuerit ». - Item p. 266: « La Santità di Nostro Signore... vuole e comanda che tutti li promovendi si agl'Ordini Minori come Sagri devano per dieci giorni continui avanti l'ordinazione ritirarsi a fare gl'Esercizii Spirituali » (p. 266).

I. - Clemens PP. XI praecepit [*die 1 februarii an. 1710*] omnibus animarum rectoribus, confessariis, canonicis, beneficiatis aliisque sacerdotibus et clericis, ut quotannis in domibus Societatis Iesu vel Sacerdotum Missionis per dies decem Spiritualibus Exercitiis operam darent... Nosque... speciali edicto die 16 februarii an. 1710 multa statuimus... ad faciliorem pro omnibus praxim...: quae hic confirmata... iterum volumus.

II. - Praesertim vero non omittant parochi et ipsi interesse, et presbyteros ac clericos paroeciae suae hortari ad Exercitia, quae pro clero in nostra Cathedrali quotannis fiunt mense octobri...: quibus quidem Exercitiis si omnibus turpe est non adese, turpissimum erit clero eiusdem Cathedralis: qua propter eos praesertim hortamur, ut frequentes ad ea convenire non negligant, quibus Nos etiam non raro intersumus gravioribus curis non occupati (2).

Instantia porro atque severa haec verba, quibus ab Em.mo Card. Pignatelli premebantur ad peragenda Exercitia viri ecclesiastici, etiam proceres, significare videntur non defuisse alios collegas edictorum obliviosos aut neglectores. Quo difficilius Exercitiorum praeteritionem excusarent, tria loca seu sedes ad recollectionem instructae clericis a S. Synodo proponebantur, scilicet domus PP. Lazaristarum, collegium Societatis Iesu et Sodalitium Missionum Apostolicarum. Elenchus hic non erat numerus clausus, sed utique « praefentialis », quoniam illis solummodo deficientibus concedebat edictum die 16 februarii an. 1710, ut exercitantes in aliam communitatem observantem sese reciperent, praehabita Em.mi Cardinalis approbatione (3). Enimvero, ut ceteras familias religiosas omittamus, unam seligimus Congregationem Piorum Operariorum a Ven. Carolo Carafa an. 1607 fundatam, qua opitulante ac duce vigeat et florebat Sodalitas presbyterorum saecularium sub titulo S. Mariae Puritatis, cuius membra Exercitiis spiritualibus vacabant in proprio sacello ad S. Gregorii Maioris (4).

(2) *Synodus Dioecesana ab Em.mo Card. D. Francesco Pignatelli celebrata an. 1726, Romae 1726, 150-156, nn. 1-2.* - Verba ultima Em.mi Archipraesulis, quibus se interfuisse asserit huiusmodi Exercitiis, veritate fortassis nituntur si praecedenti tempore applicentur. Ab anno autem 1724 et deinceps Regestum archivi semel dumtaxat describit Archiepiscopi praesentiam, anno scilicet 1732, quo S. Alfonsus Exercitia praedicavit.

(3) *Ibid.*, Appendix XXVII, 272-274: « In una casa religiosa osservante da approvarsi prima per Noi ».

(4) Hoc Sodalitium, vi edicti archiepiscopalis promulgati die 9 septembris an. 1721, gaudebat pleno iure, aequae ac ceterae ecclesiasticae Sodalitates, excipiendi ordinandos singulis hebdomadis ad eorum educationem spiritualem et apostolica fovendam: « Comandiamo che uno giorno della settimana vadano continuamente in una delle congregazioni di ecclesiastici, a loro elezione, o del Pavone, o di S. Giorgio, o della nostra Cattedrale..., con portarne attestato della frequenza » (*Ibid.* 270, n. XIII). Pro Sodalitatis membris, eiusdem Statuta canonice approbata praecipiebant: « 18. Semel in anno Spiritualia Exercitia per dies octo ab unoquoque fiant: et semel in mense diem quisque eligat, quo ab omni implicamento expeditus Deo totus vacet et de rebus animae suae cum Deo agat. - 19. Semel etiam in anno per dies tres fiat renovatio spiritus, idque antequam ad Missiones proficiscantur » (*Statuta et Regulae Cong.nis Presbyt. Saecularium sub tit^o S. Mariae Puritatis, erectae Neapoli sub directione RR.PP. Piorum Operariorum, approbatae et confirmatae a SS.D.N. Clemente Papa XI, Romae 1709, Regulae communes*): - Titulus « S. Mariae Puritatis » vertitur in instrumentis notariorum: « Nostra Signora della Purificazione ». Traditionis ignatianae inter Pios Operarios testes insigniores sunt quoad exercitia spiritualia PP. Ludovicus Sabbatini et Ruggieri, quorum opera ab ecclesiasticis magni aestimata extra scopum nostrum manent.

Pro scopo autem hodiernae nostrae communicationis, breviter immorabimur in tribus memoratis Exercitiorum domibus a S. Synodo praestitutis.

I. - DOMUS SACERDOTUM MISSIONIS

His verbis proponit Synodus egregium renovationis ecclesiae centrum, quod ab an. 1669 discipuli S. Vincentii a Paulo, seu PP. Lazaristae, erexerant extra portam S. Ianuarii, prope ecclesiam paroecialem S. Mariae « dei Vergini ». Prout Instituti sui ratio exigebat, toto nisu operam navabant Missionarii, ut clericorum necessitatibus spiritualibus subvenirent. Idcirco Card. archiepiscopus Cantelmi in sua ad S. Concilii Relatione an. 1700 rescripsit: « Promovendi ad sacros ordines vacant per decem dies ante ordinationem exercitiis spiritualibus in domo PP. Missionis ibique, impensis meis ne ulla graventur ratione, diu noctuque morantur, prout eadem exercitia fiunt ab omnibus, qui in confessarios, parochos et coadiutores assumuntur » (5). Ex edicto Card. archiepiscopi Pignatelli, die 9 septembris an. 1721 dato, clerici seu seminaristae externi subiacerunt strictiori legi: « Niuno tonsurando, ovvero ordinando, sarà ammesso alla tonsura chiericale nè agli altri ordini, se non sarà intervenuto, e con tutta la modestia, ogni domenica mattina alla Congregazione degli ordinandi nella Casa della Missione nella parrocchia delle Vergini, e ivi esercitato i suoi ordini e frequentato la S. Comunione, secondo le Costituzioni Sinodali: con portarne l'attestato del P. Superiore di detta Casa » (6).

Quod S. Alfonsus, « semel saltem in mense » (prout lex interpretationem practicam subiit), praedictis apud Lazaristas congressibus interfuerit, abunde constat ex Superioris testimoniis, quae ille ante singulos ordines in archiepiscopali Curia protulit. Minus vero liquet quando et quoties Exercitiis stricte spiritualibus vacavit, quandiu studiorum volvit programma, intra PP. Missionis claustra. Regestum namque exercitantium, pro viris laicis in missionis archivio neapolitano exstans, nihil simile pro ecclesiasticis alumnis hucusque nobis transmisit. Quamobrem devinari potius cogimur horum Exercitiorum schema ex generali methodo a PP. Lazaristis alibi usitata, quam ex peculiari formula in collegio neapolitano concertata. Utcumque res sit, S. Alfonsus diuturna amicitia cum filiis S. Vincentii ligatus, non potuit quin animum converteret ad eorum exercitia spiritualia pro ecclesiasticis recusa, quippe qui semel atque iterum etiam exercitiorum cursum ibidem inter laicos viros ipse iunior frequentarat.

II. - EXERCITIA SPIRITUALIA APUD MISSIONES APOSTOLICAS (7)

Aliam eamque potissimam Exercitiorum sedem praefixit ecclesiasticis S. Synodus, seu Em.mus Card. Pignatelli, ipsos arcessens, ut quotannis mense octobri in ecclesia cathedrali metropolitana propriae conscientiae renova-

(5) *Concilium Provinciale Neapolitanum* 161, 243.

(6) *Synodus Dioecesis* 270, n. XIII. - Haec edicti clausula, nedum repudiet subsequentem de assistentia uni ex tribus Sodalitatis libere electo, eadem confirmat, quatenus accessus ad PP. Lazaristas praescribitur pro diebus dominicis, ad Sodalitia vero pro alia die intra hebdomadam.

(7) De his Apostolicis Missionibus ac de huius Sodalitatis archivio necnon de Congregatione Patris Pavone tractamus ex professo ac sat diffuse in apposito articulo, quem proxime in nostra ephemeride vulgabimus.

tionem spiritualem instituerent. Agitur de Sodalitio seu, iuxta illius aevi loquendi modum, de « Congregatione Apostolicarum Missionum sub patrocinio S. Mariae Reginae Apostolorum in ecclesia cathedrali metropolitana erecta ». Illius sodales sive « fratres », clericorum saecularium nomine et re distincti, licet in sua quisque domo degentes, egredi nullatenus verebantur in regni provincias, quo Evangelii semina per pagos et oppida largius dispergerent. In urbe autem Neapolitana singulis annis gregem Christi advocabant eumque Missione generali intra metropolitanam ecclesiam aut apud magnificum Spiritus Sancti templum a peccatis abluere et in fide atque in vita christiana firmare satagebant.

Iam vero, Sodalitatis Regulae, canonica approbatione munitae, duplicem scopum apprime persequerentur, salutem nempe animarum ac Fratrum sanctificationem. Enimvero, non multo secus atque hodierna Instituta saecularia, Congregatio Apostolicarum Missionum — votis quibuslibet exceptis — hierarchica organizatione florebat, institutione quasi novitiatus alebatur, diversis item mediis roborabatur, ut sive in disciplinis theologicis, sive in virtutum exercitio, sive denique in ministeriis apostolicis excellerent sodales. Exinde orti sunt congressus hebdomadarii mirifice per Regulas ordinati, exinde missionales excursus quotannis intra atque extra urbem peracti, exinde denique annua Exercitiorum Spiritualium praxis et lex nusquam derogata.

Exercitia porro Spiritualia, per octo dies continuos ducenda, quasdam notas speciales induebant. Quandoquidem Sodalitium a Superiore annuatim electo et ab Assistentibus regebatur, eisdem cura demandabatur praeeligendi, inter Fratres aetate, scientia atque fervore insigniores, quisnam pro anno sequenti Exercitiis praeficeretur: aliis verbis, cuinam deputarentur meditationes (« quinque quadrantes » non excedendo) habendae. Harum argumentum circum ea volvendum suadebatur, quae « ad statum clericalem pertinent », et signanter « de sacerdotali dignitate, de vocatione ad statum adeo praecellentem, de bonorum operum exemplo laicis praestando, de castitate custodienda, scientia, perseverantia rerumque temporalium curis abiiciendis, vel de adversantibus vitiis a sacris hominibus praecavendis ». Meditationem praecedebat alicuius libri pii lectio in communi, sequebatur autem singulis fere vespere disciplica collectiva. Demum inter hos exercitiorum dies promulgari incipiebat Missio urbana per vicus et plateas.

III. - EXERCITIA SPIRITUALIA IN DOMIBUS SOCIETATIS IESU

Denique praecitata Synodus proponit domos Societatis Iesu, ut in eisdem Exercitia peragant annuatim ecclesiastici neapolitani. Nostri muneris non est ad praesens scrutari, quot domos Patres Iesuitae huic apostolatu Neapoli destinassent (8), ac quo gradu et quanta fidelitate genuinae S. Ignatii

(8) *Catalogus provinciarum, domorum, collegiorum, seminariorum et missionum Societatis Iesu an. 1717*, Romae Plachi, accenset (p. 8) provinciae neapolitanae 22 collegia et 2 residentias, quibus accedunt pro urbe metropolitana 5 collegia necnon domus professa et domus probationis. Iisdem vero diebus opus Exercitiorum, in hospitio prope domum professam seu « Gesù Nuovo » pro viris praesertim secularibus aptatum, pro ecclesiasticis vero congregationi Patri Pavone adnexum, sedem propria ac magis consentaneam in quasi eremo amoenissimo seu collegio « alla Conocchia » invenit. Cfr M. ERRICCHETTI SI, *Origini e vicende della Conocchia*, Napoli 1955, ubi trutina denuo repensatur (p. 10-11) quaestio de exercitiis a S. Alfonso iunioris peractis in Conocchiano collegio. In partem negativam ipse se inclinat, tum quia huius collegii nondum extructi vices tenebat citatum hospitium

menti adhaerent. Magis confert pro Exercitiorum schemate mox citando, ut praemittamus quasdam notitias super Sodalitio seu Congregatione, cui in spiritu excolendae sese devoverunt ab anno 1607 S. Ignatii alumni, praeunte illius fundatore P. Francisco Pavone. Ab origine vocabatur « Congregazione dei Chierici dell'Assunta », utpote quod eiusdem adscripti, opitulante B.M.V. in caelum Assumpta, nitebantur status ecclesiastici apicem assequi, tum quoad scientiam et virtutum exercitium, tum quoad apostolatam vere efficacem et quodammodo nationalem. Haec enim Sodalitas, praeter activitatem quam exerebat in ministeriis urbanis valde arduis, v.gr. apud regias triremes, atque in carceribus, extenderat actionis suae circuitum in plures regni provincias, ubi sodalitates filiales instituerat cum centrali neapolitana effective ligatas.

Huius Sodalitii, ad umbram ecclesiae cui nomen « Gesù Vecchio » nati et adulti, mens directiva ac motor indefessus erat « Pater », id est, S. Ignatii filius hoc intimo ac benevolo agnomine a sodalibus ornatus. Ipsius erat, qua Directoris et quin Praefecti et Assistentium iura calcaret, maxima vigilantia prospicere congregationis incremento et operariorum sanctificationi. Hunc in Sanctorum scientia progressum ipse fovere contendebat exhortationum ac colloquiorum ope, at praesertim vehiculo Exercitiorum spiritualium, quae tum per se ipse, tum per alios Societatis Iesu alumnos sodalibus offerebat.

Nullum huius Sodalitatis cum Missionibus Apostolicis dissidium quoad Exercitia spiritualia. Utrumque Sodalitium in proprio cuiusque catalogo recenset pro saeculo XVIII adscriptos 100, immo et 200, iis etiam inclusis qui extra urbem morabantur: in Exercitiis autem annuis de facto participes, saltem nominatim inscripti, sunt 60-100 pro Missionibus Apostolicis. Age vero: concordia practica inter utramque Sodalitatem efficiebat, ut Exercitiorum cursus respectivus inter se differret quoad anni tempus, mense scilicet octobri apud Missiones Apostolicas, initio autem Adventus pro congregatione Patris Pavone: hinc laudabile factum, quod non semel in *Manuali* seu *Diario* seu *Giornale* harum Associationum legitur congressum sodalium hebdomadariam breviatum aut interruptum fuisse, ut adstantibus tempus et commodum praerentur interveniendi Exercitiis spiritualibus, quae hebdomada illa apud alteram Sodalitatem fiebant. Hinc pariter fluit conclusio duplex: quod ex una parte plerique ecclesiastici neapolitani, aut saltem eorum pars conspicua, Exercitiis spiritualibus « clausis » (prouit hodie intelliguntur) minime vacabat, quin hac agendi ratione statutis synodalibus contrairent; ex alia vero parte, quod praesupposita inter exercitantes « osmosi » nullum aut parvum discrimen ostenditur quoad Exercitiorum methodum in utroque Sodalitio. Hoc demum magis perspicuum redditur ex triplici Schemate, quod subdiinus et pro cuius intelligentia praemisimus hucusque dicta.

penes « Gesù Nuovo », tum quia in coaevis Soc. Iesu catalogis desideratur nomen Patris Buglione, cui tanquam directori tribuuntur praesumpta a S. Alfonso iuniori peracta exercitia: idcirco in directoris munere ipse proponit P. Michaëlem A. Paglione. Quibus per transennam respondemus: a) nullatenus constare de aetate, qua S. Alfonsus talia exercitia subiit: dum enim P. Tannoia illum 18 annos natum dicit, alii 21 annos agentem inducunt; b) melius fortasse quam Patri Paglione aptari directionem Patri Thomae Boviglione, cuius ministeria spiritualia apud moniales SS. Conceptionis a Monte Calvario illa aetate probantur (Arch. Curia, Moniales, SS. Concezione a Monte Calvario, Libretto per le licenze per li confessori straordinarij). Res nihilominus sub iudice historiae anceps manet.

IV. - TRIPLEX EXERCITIORUM SCHEMA

A. - *Apud Missiones Apostolicas mense octobri an. 1724.* - Exercitiorium Schema exscribimus prout illud retulit secretarius in Sodalitii *Giornali*, vol. 36, f. 100-107. Adstantium numerus circa 50 quotidie notatur, praeter novitios. Conciones seu Meditationes habuit canonicus Poliaastro, tractans sequentia argumenta;

[*Giorno primo*] - Benefizji di Dio. Soggetto della Meditazione, diviso in tre punti:

- 1° L'amor liberale di Dio per l'innalzamento del sacerdote.
- 2° L'amor costante in eligger te fin dall'eternità nel sacerdozio.
- 3° Come abbiamo corrisposto a questi due grandi amori del Signore.

[*II Giorno*] - Peccato. Soggetto della Meditazione diviso in tre punti:

- 1° Il sacerdote peccator odiato da Dio, perché l'offende con gran cognizione.
- 2° Odiato, perché offende quel Dio che gli diè il sacerdozio.
- 3° I danni che a se cagiona il peccato.

Sentimento di disciplina: Coppola.

[*III Giorno*] - Scandalo. Soggetto della Meditazione diviso in tre punti:

- 1° Scandalo positivo facendo il male.
- 2° Scandalo negativo lasciando il bene, o esservi negligente.
- 3° Il gran danno che causerà a' sacerdoti di fare scandalo.

Sentimento di disciplina: Perrella.

[*IV Giorno*] - Giudizio del sacerdote. Soggetto della Meditazione diviso in tre punti:

- 1° Giudizio quando Iddio si parte dall'anima.
- 2° Giudizio quando l'anima si parte dal corpo.
- 3° Giudizio quando l'anima s'unisce al corpo nella valle di Giosafat.

Sentimento di disciplina: Penta.

[*V Giorno*] - Risoluzione del sacerdote qual deve essere. Soggetto della Meditazione in tre punti:

- 1° Deve essere generosa.
- 2° Deve essere costante.
- 3° Deve essere trionfante.

Sentimento di disciplina: Carace.

[*VI Giorno*] - Zelo del sacerdote per sacrificar santamente. Soggetto della Meditazione in tre punti:

- 1° L'obbligo che n' ha.
- 2° Per la necessità.
- 3° Per l'utilità.

Sentimento di disciplina: per il 2° Assistente [*D. Francesco de Rosa*].

[VII Giorno] - Vita del sacerdote. Fervorosa, esemplare e penitente.
Soggetto della Meditazione in tre punti:

- 1°. Fervorosa.
- 2°. Esemplare.
- 3°. Penitente.

Sentimento di disciplina: per il 1° Assistente [D. Angelo Gazzari].

[VIII Giorno] - Vita Nuova. Soggetto della Meditazione in due punti:

- 1°. Vita tutta morta a se stesso.
- 2°. Vita tutta viva a Dio.

B. - *Apud easdem Missiones Apostolicas mense octobri an. 1726.* - Exercitiorum Schema a secretario obiter adnotatur in *Giornali*, vol. 38, absque fol.: quare brevius ipsum vulgamus. Adstantium numerus, lectio spiritualis, disciplina communis, prout moris erat annis praecedentibus. Concionatorem egit D. Franciscus de Jorio, scientia et virtutibus proventus sodalis. En meditationum summa:

- a) Singolare bontà che deve havere un sacerdote, perché così lo vuole Iddio e così lo vuole la Chiesa.
- b) Santità che ricercasi in un sacerdote per celebrare, perché così Iddio e la Chiesa lo desiderano.
- c) Potestà che hanno i sacerdoti.
- d) L'obbligo per un sacerdote di esser santo, e ciò non può acquistarsi senza l'orazione: dunque deve far orazione, prima per se stesso, e poi per il suo prossimo.
- e) L'obbligo del sacerdote d'essere osservante della castità la quale si rende sospetta con il praticare... e si rende facile con il fuggire le conversazioni.
- f) Il zelo che deve avere un sacerdote, anche non curato, di zelare sopra la salute delle anime, per la gloria che ridonda al Signore.
- g) Che non basta a un sacerdote che non dia scandalo, ma è obbligato a dar buon esempio.
- h) ...la carità che deve il sacerdote verso Dio.

C. - *Apud Congregationem Patris Pavone initio Adventus an. 1739.* - Haec Exercitia digna sunt quae memorentur ob plures rationes, quarum haud postrema haec est: quod cursus iste Exercitiorum oblatus est sodalibus Patris Pavone et quibuslibet ecclesiasticis elapso vix uno mense ab Exercitiorum cursu, quem S. Alfonsus obtulerat sodalibus Missionum Apostolicarum et quibuslibet ecclesiasticis. Iam vero: qua libertate, uti supra diximus, et inter se communicatione fruebantur utriusque Sodalitii membra, alumni ignatiani interesse potuerunt S. Alfonsi Exercitiis, testante *Diario Patris Pavone*: « Domenica 18 ottobre 1739. Congregazione secreta... Si abbreviò [la conferenza] per gl'esercizi spirituali che attualmente si fanno nell'Arcivescovado [id est, apud Missiones Apostolicas sub ductu S. Alfonsi]... - Mercordi 21 ottobre. Congregazione publica. Alle 21½ entrò il P. Pagano [Director Iesuita] e dopo le preci diede solo la meditazione per la sopradeta causa degl'Esercizi all'Arcivescovado ».

A pluribus annis Congregationi Patris Pavone praeerat P. Ioannes B. Pagano, cooperantibus sacerdotibus secularibus D. Andrea Cestaro Sodalitii Praefecto atque D. Carolo Ferraro et D. Scipione de Laurentiis eiusdem Assistentibus. Cum ergo de habendis Exercitiis spiritualibus ageretur pro illius anni 1739 Adventu, in Congregationis sedem prope collegium « Gesù Vecchio » advocarunt P. Sertorium de Matteis, in Societate Iesu clarissimum, cuius agendi et meditandi rationem posteritati mandavit secretarius sequenti schemate :

« Esercizj Spirituali - 1739.

Domenica prima dell'Avvento, 29 novembre. Si diede principio alli Santi Esercizj. Alle 21½ incominciò la lettura spirituale. Alle 22 entrò il P. Sertorio de Matteis della Compagnia di Gesù, nostro confratello, che si aggregò negl'anni passati in tempo che diede altra volta gl'Esercizj spirituali alla nostra Congregazione. Si cantò il solito l'Inno dello Spirito Santo colle orazioni. Poi dal d° Padre si diede la prima meditazione dell'importanza e del modo di far con profitto li Santi Esercizj, così in quest'anno come in appresso, riuscendo così di maggior commodo e per miglior regolamento ed ordine, senza variante, e fisse per sempre. Nella mattina ad ore 14 (9), così in giorno di festa come in altro feriale, principia la Repetizione della Meditazione. Alle 14 e mezza entra il Padre degl'Esercizj. Il giorno alle 21½ principia la lettura Spirituale. Alle 22 entra il Padre.

Lunedì mattina 30 novembre 1739. Si ripeté la Meditazione dal P. Cestaro nostro Prefetto [*presbyter saecularis*]. Il Padre [Sertorio] diede la meditazione del fine dell'Ecclesiastico. Il giorno, dopo la lezione spirituale, entrò il Padre e recitate le Litanie della B.V. fece l'istruzione sopra la santità e perfezione che deve aver il sacerdote.

Primo dicembre martedì mattina ripeté la meditazione il P. De Laurentijs [*presbyter saecularis*], 2° Assistentè. Il Padre diede la meditazione del peccato, considerando: 1° l'ingiuria che fa a Dio; 2°, i danni che apporta all'anima. Il giorno, la lettura spirituale. Il Padre fece l'istruzione dello scandalo e rovina grande, che cagiona un Ecclesiastico scandaloso. Vi fù la disciplina.

Mercordì 2 dicembre ripeté la meditazione il P. D. Ignazio Pellegrino. Il Padre diede la meditazione, considerando quel che ha fatto Dio e quel che ànno fatto i Santi per distruggere il peccato. Il giorno l'istruzione fù sopra la gravizza del peccato del sacerdote, e quanto difficile ad emendarsi. [*Vi fù*] la disciplina.

Giovedì mattina ripeté la meditazione il P. D. Gennaro Perrelli. Il Padre diede la meditazione della morte de' giusti e de' peccatori. Il giorno correndo la festa del glorioso S. Francesco Saverio si cantò l'Inno in onore del Santo, e poi propose due brevissimi punti, considerando come d° glorioso Santo nelle consolazioni diceva: « Sat est, Domine », ne' travagli: « Plura, Domine », dovendolo noi imitare per dimostrar vero amore a Dio, e sofferenza nelle tribolazioni. L'istruzione fù sopra le cause perché molti sacerdoti sono così poco rispettati,

(9) Agitur de modo historicis familiari, quo tunc temporis Neapoli tabella horaria conficiebatur, ita ut hora prima post solis occasum tanquam horarii initium computaretur. Exinde hora 14 matutina in schemate connotata quadrat plus minusve cum hodierna hora octava matutina.

fermandosi particolarmente a considerare quanto sia detestabile l'ambizione e l'avarizia. Si cercaron le solite indulgenze per essersi oggi fatta congregazione pubblica. In fine la disciplina.

Venerdì mattina ripeté la meditazione il P. D. Bartolomeo Capozzo. Il Padre diede la meditazione del Giudizio Universale. Il giorno nell'istruzione trattò della maniera di celebrar santamente la Messa.

Sabato mattina ripeté la meditazione il P. D. Marco Celentano. Il Padre diede la meditazione dell'Inferno. Il giorno nell'istruzione trattò dell'Impurità.

Domenica mattina 6 dicembre ripeté la meditazione il P. D. Luigi Lago. Il Padre diede la meditazione del Paradiso. Il giorno trattò della Perseveranza ne' proponimenti fatti ne' Santi Esercizj. Si cantò il Te Deum, e si conchiuse A.M.D.G.

V - S. ALFONSUS COEVA EXERCITIORUM SCHEMATA NOVIT ATQUE PERFECIT

S. Alfonsus medius vixit inter haec Exercitiorum fluentia atque ex iis abunde potavit tam pro suo quam pro aliorum spirituali incremento. Quod si apud PP. Lazaristas, ut supra diximus, pietatis venas ac liturgicas caeremonias frequenter adiit, at certe non minori frequentia inter sodales Missionum Apostolicarum excoluit perfectionis studium, in primis Exercitiorum campum ubertosum, quippe qui a prima fere tonsura Sodalitati adscriptus curavit diligenter ibidem Exercitiis interesse atque in iis tradendis fieri magister. Duplici proficiendi aliosque docendi aestu flammans, fieri vix potuit, quin non semel accederet ad aulam seu sacellum iesuiticum Patris Pavone, ex.gr. die 5 mensis decembris an. 1729, de quo nobis transmittit secretarium Missionum Apostolicarum: « Lunedì 5. dicembre. Oggi il Superiore ha dispensato agl'esercizi [*id est, actibus congressus hebdomadarii*] per dar tempo ai Fratelli [*quos inter aderat S. Alfonsus*] di andare a sentir gli Esercizj a' Preti che si fanno nella Congregazione del Gesù Vecchio, detta del P. Pavone ». Ceterum supra memorati Capozzi et Longo (Schema C) Patris Pavone sequaces, diuturna S. Alfonsi consuetudine fruebantur.

Hinc S. Alfonsus semel atque iterum, annis scilicet 1732 et 1739, Exercitia Spirituality clero neapolitano intra Missiones Apostolicas dedit, participi etiam Card. archipraesule Pignatelli an. 1732. Hinc postmodum cunctas ac singulas Instituti sui missionarii domos patentes voluit, ut ad ipsas sese recipere possent viri ecclesiastici Exercitia spiritualia peracturi. Hinc demum, pro his Exercitiis in domo religiosa habendis, aut per oppida et civitate sequendis tempore Missionis, schemata quae ipse libere aequae ac solerter delineavit permiscens aliorum ac proprias experientias.

Schema generale, quo Exercitiorum momenta in instructiones et meditationes seu conciones ipse bipertit, mutuatum diceres ex his, quae ante oculos suos Neapoli obveniebant. In utraque vero Exercitiorum parte, in instructionibus videlicet atque in meditationibus, originalitatem nullatenus abnuit tum quoad argumenta, tum quoad rationem ipsa tractandi. Sufficiet in medium proferre quaedam monita per Epistolam communem ad sui Instituti Missionarios, propria manu exarata, etsi in tertia Rectoris Maioris persona (10).

(10) *Lettere di S. ALFONSO III, Roma [1890], 546-550.*

Sul modo di dare gli esercizi ad ecclesiastici.

Il nostro P. Rettore Maggiore fa intendere a tutti i Padri, che nelle Missioni faranno gli Esercizi a' Preti, le seguenti cose:

Vuole che sempre si faccia la predica di Maria SS.ma, speciale per li Preti.

All'incontro non vuole che si faccia la predica formata della vocazione a' sacerdoti, provando (come fanno alcuni) la gran difficoltà che ha di salvarsi un sacerdote, ordinato senza vocazione. Questa predica induce alla disperazione, senza frutto: onde ella sarà bene farsi solo agli ordinandi, ma non a' sacerdoti...

Desidererebbe poi che si facesse la predica della Passione, o sia dell'amore verso Gesù Cristo, acciocché non si parlasse sempre di terrore e di castighi. Quando son premesse le prediche di spavento, è necessario dilatare il cuore...

Desidera anche che si facesse la predica, o almeno un'istruzione dell'orazione mentale.

Di più... negli altri sette giorni vuole il Padre che, in luogo del proemio, si faccia un quarto d'ora d'istruzione, o sia pratica, dando poi alla predica tre quarti, e non più o poco più quanto importa l'atto di dolore, il quale vuole che sempre o quasi sempre si faccia. Ciò non s'intende negli esercizi in casa, dove si fa l'istruzione a parte.

Tra queste istruzioni si faccia senza meno l'istruzione per ben confessare, e se così stima il predicatore, ne può far due. In questa si parlerà de' tre uffici del confessore: di *padre*, di *giudice* e di *medico* (II).

Di più si faccia l'istruzione per la celebrazione della messa, parlando dell'apparecchio, del modo di celebrare e del ringraziamento...

Oltre poi dell'istruzione della confessione e messa, si potranno fare le seguenti:

I - Dell'*orazione mentale*, se non se ne fa la predica.

II - Del *regolamento di vita*. E questa è un'istruzione utilissima, poiché in questa si parlerà degli esercizi divoti che dee fare un sacerdote nel *giorno, mese e anno*.

III - Si può far l'istruzione della *direzione dell'intenzione*.

IV - Del *modo di dir l'ufficio*, se se ne volesse far istruzione a parte.

V - Del *distacco da' parenti, dalle robe, dagli onori, dalla stima propria, dalla propria volontà*: perciò mettersi sotto un direttore e vivere con ubbidienza.

VI - Della *divozione a Maria SS.ma*...

VII - *Mortificazione interna*, cioè delle passioni e specialmente della dominante; ed *esterna*: degli *occhi, lingua e gusto* ecc., con mortificazione specialmente nel *bever vino soverchio*.

Sette han da esser queste brevi istruzioni. Il Padre si eleggerà

(II) Sicuti ipsemet in Epistola suggerit, haec tria confessarii munera dilucide exposuit in opella ad calcem *Theologiae Moralis* typis data, id est: *Pratica del confessore per ben esercitar il suo ministero*, quam an. 1755 seorsim quoque edidit: hinc eruitur pro hac Epistola annus 1755-1756 tamquam tempus, quo eandem signavit ac Missionariis communicavit.

quelle che vuole, fuor delle due: *confessione e messa*, che non si lasceranno mai, ed anche mi pare buono far il *regolamento di vita*.

Hoc Instructionum schema vel obiter legenti illudque cum aliis supra exscriptis comparanti obuius fit sensus prudentiae et indubiae originalitatis, quo S. Alfonsus praeditus exhibetur. Enimvero: a) ipse, cui fere communiter seminatio terroris in concionibus adiudicatur, nihil antiquius cordi habet quam ex filiali timore ad Christi crucifixi amorem audientes perducere; b) in eandem fiduciae « atmospheram » vergit B.M. Virginis praesidium, quod ille theologicæ aequæ atque asceticæ efferre contendit; c) spiritus sacerdotalis renovationem promovet sub duplici fronte sanctificationis personalis et operositatis ministerialis, utramque sane frontem mediis vere practicis atque eminenter alfonsianis explicando; d) exclusio meditationis super vocatione ad sacerdotium intelligitur facile eo sensu, quem ille proponit, scilicet pro exercitantibus iam sacerdotibus, quia illa aetate haud infrequens ad sacros ordines accedebat candidatus rationibus oeconomicis actus, id est, non solummodo aut praecipue allectus commodis et proventibus futuris status ecclesiastici, sed potius moraliter coactus, ut familiae suae vel domini feudalis patrimonium susciperet et gereret, alicui beneficio simplici aut cappellaniae familiari a maioribus adsignatum.

Elapso ab hac Epistola lustro, S. Alfonsus in lucem an. 1760 edidit supra citatum opus: *Selva di materie predicabili ed istruttive per dare gli Esercizi ai Preti*. Vox *Selva* longe abest a sensu, quem nonnulli voluerunt, id est, quasi vulgaret conceptus predicabiles multiplices, semiobscuros atque impervios. Sed contra, pro significatione vocabuli in illa aetate, vox secum fert promptuarium ordinatum, accessibile ac valde locuples; unde cuilibet haurire liceat, ait S. Alfonsus in monitis liminaribus, auctoritates, argumenta et ideas quae magis illi placeant easque postmodum ordinare atque distribuere iuxta propriam disserentis rationem, quandoquidem — subdit — experientia teste concionator aegre mentis ac cordis igne aestuabit nisi prius secum dicenda concoxerit.

Duo alia S. Alfonsi liminaria monita excerptere iuvat, quorum primum veritates aeternas sacerdotibus quoque praedicandas respicit.

E' vero — instat ille — che certi sacerdoti quasi sdegnano le prediche de' novissimi, quasi che non avessero eglino, come i secolari, a morire ed ad esser giudicati. Pertanto almeno chi dà loro gli esercizi non lasci più volte di far memoria della morte, de giudizio e dell'eternità, che sono le verità più efficaci ad indurre a chi le considera a mutar vita.

Secundum autem, postremo loco a S. Alfonso insinuat, sic sonat:

Soprattutto avverta chi predica a' sacerdoti a non aspettare il frutto dalle sue fatiche, ma dalla divina misericordia e dalle sue orazioni, pregando Dio che dia forza alle sue parole: mentre già si sa che ordinariamente a' sacerdoti riescono le prediche quasi in tutto inutili: e il risolversi un sacerdote nel sentir gli esercizi a mutar vita s'è peccatore o a migliorarla s'è tiepido è un miracolo che di rado avviene: e perciò il convertir sacerdoti ha da esser più forza di orazione che di studio.

Hac pessimismi nebula minime obstante, S. Alfonsus clare aperteque operis sui schema generale proposuit, tribus partibus constans, quarum prima

et secunda magis scopo nostro congruunt, utpote quae meditationum atque instructionum argumenta continent, scilicet:

Schema Generale

<i>Meditazioni</i>	<i>Istruzioni</i>
I. - Della dignità del sacerdote.	I. - Circa la celebrazione della messa.
II. - Del fine del sacerdote.	II. - Circa il buon eempio che deve dare il sacerdote.
III. - Della santità che deve avere il sacerdote.	III. - Circa la castità del sacerdote.
IV. - Gravezza e castigo del peccato del sacerdote.	IV. - Circa la predicazione e l'amministrazione della Penitenza.
V. - Del danno che aporta al sacerdote la tiepidezza.	V. - Circa l'orazione mentale.
VI. - Del peccato d'incontinenza.	VI. - Circa l'umiltà.
VII. - Della messa sacrilega.	VII. - Circa la mansuetudine.
VIII. - Del peccato di scandalo.	VIII. - Circa la mortificazione, specialmente l'interna.
IX. - Dello zelo del sacerdote.	IX. - Circa la mortificazione esterna.
X. - Della vocazione del sacerdote.	X. - Circa l'amor verso Dio.
	XI. - Circa la divozione verso Maria.

Quae hucusque exposuimus, satis superque ostendunt quo pacto et quanta veritate historica S. Alfonsus sese inseruerit in Exercitiorum opus, quale in regno neapolitano id temporis noscebatur et communiter regebatur. Huius operis, praesertim pro viris ecclesiasticis, dicendus est ille cultor insignis, efficax renovator, magister eximius atque indefessus propagator. Plura, quae de hac materia et publice scripsit et privatim Constitutionibus (12) sui Instituti mandavit, prorsus exigunt ampliorem tractationem, ut intra temporis ac locorum ambitum ipsius innovationes aequa lance perpendantur ipsiusque de sacerdotibus coaevis iudicia acriora illuminentur. Sed haec omnia excederent limites hodiernae nostrae Communicationis.

(12) Constitutiones an. 1764 promulgatae, in quibus experientia triginta annorum tum S. Alfonsi, tum eiusdem sociorum consecratur, continent ampliorem et minutam Exercitiorum distributionem. Agitur de Exercitiis clausis ac proinde actus quotidiani multiplicantur: meditatio matutina, instructio antemeridiana, concio vespertina, bina lectio spiritualis, examen conscientiae, officium divinum aliaque id generis. Cfr *Codex Regularum et Constitutionum CSSR*, Romae. 1896, 100-106.